



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1546. usque ad annum 1549

Fleury, Claude

August. Vind. [u.a.], 1770

VD18 90118529

§. 34. Legatorum consilium non undequaque Pontifici probatum.

[urn:nbn:de:hbz:466:1-66608](https://nbn-resolving.org/urn:nbn:de:hbz:466:1-66608)

Sæcul. XVI.
A. C. 1547.

§. XXXIV.

*Legatorum consilium non undequaque
Pontifici probatum.*

*Paulbo. c. 17.
1547. 5.*

Verum summus Pontifex hæc publice eo ex fine effatus est, ut Legatorum auctoritatem contra hostium suorum calumnias tueretur, animo tamen suo non æque ea res illi probabatur, cum tumultus ex hac translatione emergens probe prospiceret: quoniam vero primævo naturæ genio potius, quam decrepitæ ætatis vitio quietis avidus erat, nec plenam ex eventu lætitiæ concepit, nec etiam assensum antea Legatis datum ex integro comprobavit; quinimo per Maffæum eisdem significari jussit, quod hæc translatio, si per bimestre fuisset dilata, longe acceptior accidisset, cum in duabus Sessionibus reliquæ Sanctiones circa fidei dogmata, morumque emendationem confici potuissent, ac demum Synodum non modo transferre, sed etiam absolvere, integrum fuisset, nunc vero haud consultum videretur, ut horum articulorum examen attento præsentis Synodi statu adeo festinanter perageretur, cum in duabus postremis Sessionibus omnia ex Apostolicæ Sedis reverentia, ac auctoritate digesta & stabilita cernerentur.

Præ-

Præterea ipsis Papa per easdem literas significabat Pacceti Cardinalis querelas; nam hic datis Romam literis exposuerat, quod nonnisi ex falso rumore luis Tridenti grassantis timor fuerit exortus, Synodum vero ibidem restaurari, Cæsar ardentè postulasset. Data est hæc Maffei Epistola die decima nona Martii, ad quam Cervinus Legatus mox die vigesima sexta ejusdem mensis respondens objecta hæc probra diluere conatus est.

Sæcul. XVI.

A. C. 1547.

§. XXXV.

Cardinalis Cervini responsum ad Pape literas.

Igitur Cervinus, cum jam superius dicta potissima ex parte repetiisset, hæc subjunxit: *Cum Synodus ex Pontificis consensu Bononiæ fuerit locata, facile, si idem Papa voluerit, poterit morbo dilapso Tridentum reduci, adeoque Cæsar accepti a Paulo beneficii loco ducet id, quod, nisi hoc evenisset, in pretio non fuisset: quamquam de hujusmodi rebitu, quantum arbitror, lente agendum esset, perinde atque in ceteris magni momenti rebus, quas in nostra potestate est agere, non item postea revocare: proinde ubi Pontifex eo propendebit, pro sua prudentia etiam Legatorum sententiam prius percipiet, a quibus edoceri poterit, ut retenus, quæ paginis concedenda non sunt,*

Pallav. c. 17.

num. 7.